

Nama Suratkhobar : Harian Metro (Segmen Setempat)

Tarikh: 29 Januari 2016 (Jumaat)

Mukasurat: 20

JUMAAT
29 JANUARI 2016 **Harian Metro**



DR Ahmad Zahid

Mampu raih ^{Amro (Jumaat)} ^{27/1/16} ^{isi 20} ^{sebagai} RM22.1 bilion

Alex Gajah: Sektor pelancongan negara mampu meraih pendapatan sebanyak RM22.1 bilion jika rancangan menarik lebih ramai pelancong dari China dilakukan dalam tempoh lima tahun akan datang.

Timbalan Perdana Menteri Datuk Seri Dr Ahmad Zahid Hamidi berkata, setakat ini sektor pelancongan tempatan menarik seramai 1.8 juta pelancong China dan dalam perancangan untuk meningkatkan kunjungan pelancong dari negara tembok besar itu kepada lapan juta orang dalam tempoh lima tahun.

"Kita tahu perancangan untuk menarik kunjungan sehingga lapan juta pelancong dari negara tembok besar itu adalah satu sasaran yang amat besar, namun ia mampu dicapai.

"Malah, Kementerian Dalam Negeri (KDN) memperkenalkan e-visa bagi memudahkan kemasukan pelancong ke negara ini terutamanya dari China," katanya ketika berucap merasmikan pembukaan Freeport A'Famosa Outlet (FAO), di sini, semalam.

Hadir sama pada majlis itu, Timbalan Menteri Pelancongan dan Kebudayaan Datuk Mas Ermeyati Yusoff dan Ketua Menteri Melaka Datuk Seri Idris Haron.

Beliau juga menggesa Kementerian Pelancongan dan Kebudayaan menerusi Tourism Malaysia memanfaatkan sepenuhnya pengaruh dan bakat negara ini yang aktif di luar negara dengan melantik mereka menjadi duta pelancongan.

"Ramai rakyat kita yang mempunyai pengaruh di negara asing dan contohnya Shila Amzah terkenal di China, mereka boleh menjadi duta untuk memperkenalkan produk pelancongan dalam negara kepada peminat di negara itu," katanya.